

UNIVERZITET U TUZLI

Na osnovu člana 132. stav 2. Statuta Univerziteta u Tuzli i Odluke Naučno-nastavnog vijeća Fakulteta za tjelesni odgoj i sport Univerziteta u Tuzli broj: 02/11-9395/10-10) od 29.11.2010. godine,

OBJAVLJUJE

da **PONIŠTAVA** Konkurs za izbor dekana Fakulteta za tjelesni odgoj i sport Univerziteta u Tuzli, objavljen u dnevnim novinama "Oslobođenje" 29.06.2010. godine,

i istovremeno objavljuje ponovni

KONKURS za izbor dekana

I

- **Fakulteta za tjelesni odgoj i sport Univerziteta u Tuzli.**

II

Za dekana fakulteta može biti izabran kandidat koji ispunjava slijedeće **opće uslove**:

- a) Da je državljanin BiH,
- b) Da je zdravstveno sposoban za obavljanje funkcije dekana fakulteta,
- c) Nepostojanje osude za krivično djelo i privredni prijestup, koji predstavljaju smetnje za izbor na funkciju dekana, u roku od 5 (pet) godina od dana izdržane, izvršene, zastarjele ili oprostene kazne,
- d) Nepostojanje odluke suda, kojom je tom licu zabranjeno obavljanje funkcije dekana fakulteta,
- e) Nepostojanje optužnice Međunarodnog suda za ratne zločine za bivšu Jugoslaviju (član IX. 1., Ustava BiH).

Pored općih uslova, kandidat treba da ispunjava i slijedeće **posebne uslove**:

- a) Da je izabran u naučno-nastavno zvanje redovnog profesora, vanrednog profesora ili docenta na Univerzitetu u Tuzli,
- b) Da je u radnom odnosu na Univerzitetu u Tuzli sa punim radnim vremenom, odnosno da potpiše izjavu da će nakon izbora zasnovati takav radni odnos,
- c) Da poznaje (aktivno govori) najmanje jedan svjetski jezik,
- d) Da nema funkciju u izvršnim organima političke partije ili organizacije koja je povezana sa političkom partijom i
- e) Da nema privatni finansijski interes na Univerzitetu u Tuzli.

Dekan fakulteta imanuje se na mandatni period od 4 (četiri) godine.

Kandidat koji u toku mandata stiče uslove za penziju ne može biti izabran za dekana fakulteta.

III

Uz **prijavu** na Konkurs kandidati su dužni priložiti, u **originalu ili ovjerenoj fotokopiji**, dokaze o ispunjavanju općih i posebnih uslova i to:

1. Biografiju,
2. Uvjerenje o državljanstvu BiH ili kopiju CIPS-ove lične karte, u skladu sa tačkom a) općih uslova (ne starije od 6 mjeseci),

3. Ljekarsko uvjerenje o zdravstvenoj sposobnosti za obavljanje funkcije dekana fakulteta, u skladu sa tačkom b) općih uslova (ne starije od 6 mjeseci),
4. Uvjerenje nadležnog organa o nekažnjavanju za krivično djelo, u skladu sa tačkom c) općih uslova (ne starije od 3 mjeseca),
5. Uvjerenje nadležnog suda o nekažnjavanju za privredni prestup, u skladu sa tačkom c) općih uslova (ne starije od 3 mjeseca),
6. Uvjerenje nadležnog suda da mu nije zabranjeno obavljanje aktivnosti na funkciji dekana fakulteta, u skladu sa tačkom d) općih uslova (ne starije od 3 mjeseca),
7. Izjavu da nije podignuta optužnica Međunarodnog suda za ratne zločine u bivšoj Jugoslaviji, ovjerenu kod nadležnog općinskog organa ili notara, u skladu sa tačkom e) općih uslova,
8. Odluku o izboru u zvanje nastavnika na Univerzitetu u Tuzli u skladu sa tačkom a) posebnih uslova,
9. Uvjerenje o radnom odnosu na Univerzitetu u Tuzli sa punim radnim vremenom, odnosno potpisanu Izjavu da će nakon izbora zasnovati takav radni odnos, u skladu sa tačkom b) posebnih uslova,
10. Uvjerenje o ukupno ostvarenom radnom stažu,
11. Dokaz o poznavanju (aktivno govori) najmanje jednog svjetskog jezika (Uvjerenje Centra za jezike Univerziteta/certifikat verifikovane škole stranih jezika/uvjerenje o položenom stranom jeziku na visokoškolskoj ustanovi), u skladu sa tačkom c) posebnih uslova,
12. Izjavu da nema funkciju u izvršnim organima političke partije ili organizacije povezane sa političkom partijom, ovjerenu kod nadležnog organa ili notara, u skladu sa tačkom d) posebnih uslova,
13. Izjavu da nema privatni finansijski interes na Univerzitetu u Tuzli, ovjerenu kod nadležnog organa ili notara, u skladu sa tačkom e) posebnih uslova.

IV

Kandidat za dekana fakulteta dužan je, uz prijavu na Konkurs dostaviti **Program rada i razvoja fakulteta za mandatni period**, u pisanoj i elektronskoj verziji (CD).

Kandidati koji budu ispunjavali uslove tražene Konkursom, javno će predstaviti ponuđeni Program rada i razvoja na sjednici Naučno-nastavnog vijeća Fakulteta za tjelesni odgoj i sport Univerziteta u Tuzli.

V

Prijave, sa svim potrebnim dokazima, dostavljaju se u roku od 15 (petnaest) dana od dana objavljivanja Konkursa u dnevnim novinama "Oslobođenje".

VI

Nepotpune i neblagovremene prijave neće se uzeti u razmatranje.

VII

Informacije o djelokrugu rada dekana fakulteta dostupne su na WEB stranici Univerziteta u Tuzli www.untz.ba (akti/dokumenti-Statut).

VIII

Prijave na Konkurs s potrebnim dokazima, dostavljaju se u zatvorenoj koverti na pisarnicu Univerziteta u Tuzli ili putem pošte, na adresu:

UNIVERZITET U TUZLI

- Konkursna komisija - uz naznaku "Prijava na Ponovni Konkurs za izbor dekana Fakulteta za tjelesni odgoj i sport", Ul. dr. Tihomila Markovića broj 1. 75000 Tuzla.